

四庫全書

子部

欽定四庫全書

子部

普濟方卷一百八十一

詳校官太醫院醫士臣趙正池

編修臣倉聖脈覆勘

總校官庶吉士臣何思鈞

校對官典簿臣劉景岳

謄錄監生臣費元震

欽定四庫全書

普濟方卷一百八十一

明

周王朱櫛

撰

諸氣門

總論

夫陰陽雖大本屬呼吸相通天下一氣爾人生其間大喜毘於陽大怒毘於陰一吐納一動靜何所逃哉與氣流通而已故氣平則寧氣不平則病內經曰百病生於氣喜則氣緩悲則氣消塞則氣收熱則氣泄恐則氣下

憂則氣亂勞則氣耗思則氣結怒則氣逆蓋榮衛通利則氣舒而不迫此喜所以氣緩也神情慘悴則氣虧而不全此悲所以氣消也經絡凝滯則氣塞而不散此塞所以氣收也腠理開通則氣升而汗出此熱所以氣泄也精却上閉氣還下行此恐所以氣下也心多愁慮則氣散而無歸此憂所以氣亂也內外煩動則氣喘而且汗此勞所以氣耗也心有所止則氣滯而不行此思所以氣結也嗔恚傷甚則氣上而嘔血涎此怒所以氣逆也此九

氣者證雖不同大概診寸口脉伏腦中逆氣是諸氣上衝腦中故上氣面浮腫脹怠其脉浮大不治上氣脉躁而喘者屬肺脹欲作風水發汗而愈脉洪則為氣上騰虛寧伏匿者生牢强者死喘息低仰其脉滑手足溫者生瀋而四末寒者死類者亦死謂形損也人有七情病生七氣七氣者寒熱怒恚喜憂愁或以為喜怒哀憂思悲驚恐皆通也然則均調是氣將何所先氣結則生痰痰盛則氣愈結故調氣必先豁痰如七氣湯以半夏為主治

而官桂佐之蓋良法也況夫冷則生氣調氣雖為豁痰亦不可無溫中之劑其間用桂又所以溫中也不然七氣相干痰涎凝結如絮如膜甚如梅核窒礙於咽喉之間咯不出嚥不下或中滿艱食或上氣喘急曰氣滯曰氣秘曰氣中以至五積六聚疝癖癥瘕心傷塊痛發即欲絕殆無往而不至矣冷氣者生冷必傷脾風冷入胃或血海虛冷冷則氣生用和劑七氣治中湯沈香降氣湯大沈香丸痰結者三因七氣湯指迷七氣湯易間二

陳湯中滿者痞滿不食水氣腫脹面目俱浮枳殼散加
南木香大流氣飲指迷七氣湯順氣木香散三和散五
皮散加半夏茯苓上氣者氣逆上呼吸喘促分氣紫蘇
湯蘇子降氣湯或嚼蘇合香丸以秘傳降氣湯送下氣
膈者陰陽不和中脘窒塞五膈吐噎食不能下五膈寬
中散和劑七氣湯加木香縮砂間以紅丸子佐之氣滯
者滯於腦膈則脹滿滯於手足則浮腫滯於腰間則墜
痛脹滿用異香散調氣散沉香降氣湯仍與神保丸或

少加蓬朮煎湯利之浮腫用三和散夾生料五苓散或五皮散加桂苓青朮香丸局方流氣飲加赤茯苓枳殼腰痛俞山人降氣湯局方七氣湯加橘核或辣桂煎湯調氣散吞青娥丸氣秘者停縮不消腸胃留滯大便不通蘇合香丸夾和感應丸或楊氏麝香丸局方麻仁丸並用枳殼丸送下氣傷之人多有氣不歸元遂成中狀如中風仆倒昏迷牙關緊急只是無痰此為氣中不得誤用風藥及通關利溲等症先以薑汁泡湯調蘇合香丸次

用七氣大氣飲加石菖蒲繼之氣順而甦即以治中湯
木香以和其中使氣歸當道若更不能調則氣逆而厥
又有變證喜傷於心者其氣散怒傷於肝者其氣擊憂
傷於肺者其氣聚思傷於脾者其氣結悲傷於心肥者
其氣急恐傷於腎者其氣怯驚傷於膽者其氣亂七證
雖殊無踰於氣又有體虛者外為風冷乘之入於腹中
遂諸疝發則小腹痛痛或繞臍或逆搶心甚則手足厥
冷自汗嘔逆或大小便秘澀也人有血氣心知之性而

無哀樂喜怒之常一種婦人平時任氣易為七情所傷
適月事經季不行一身百病胸臆氣填嘔惡全不入食
則吐痰或一塊如核窒塞膈喉而痛或一塊如卵築觸
心下而痛或腹中塊物動而作痛攻刺腰背時發熱四
肢乏力脚不能行小便白濁浮油帶下淋漓日就瘦弱
全似虛勞然而穀雖不如果子雜物常喜食之却只是
有孕誕所謂孕婦做得百病者此也用藥但以二陳湯
加縮砂桔梗姜棗烏梅同煎半夏理氣消痰縮砂安胎

順氣此梗以開嚥喉之隔服之自然安平若妄以剛劑
溫胃胎必損病無由愈白濁一節謹勻燥澁二陳湯加
白茯苓以下白丸子可也若夫七情所發逆氣填胸不
惟核膜上氣塞咽喉甚者攻擊滿悶欲絕產後尤多有
之故曰產前安胎產後調氣男女或有嚥喉間核作恙
者觸事勿怒飲食勿冷

一切氣

附論

夫內經云百病所生生於五臟肺之所主獨於氣不足

有飲蓋由虛實故病不同其證亦異怒則氣逆甚則嘔
血及食故氣逆也喜則氣和榮衛通利故氣緩也悲則
心多欲絕肺葉齊舉使上焦不通榮衛不散熱氣在內故
氣消情怯怯則上焦閉閉則氣還還則下焦脹故
氣不行而聚也寒則膚腠閉拒氣道不行氣收而不散
也熱則腠理開榮衛不通故汗大泄也驚則心無所倚
神無所歸慮無所定故氣亂勞則喘且汗外內皆泄故
氣耗思則心有所止氣留不行故氣結

方

七氣丸

出千金方

治七氣者寒氣熱氣怒氣恚氣喜氣憂

氣愁氣此之為病皆因積聚堅牢心腹絞痛不能飲食時去時來發則欲死有如禍祟凡寒氣狀吐逆心滿熱氣狀恍惚眩胃失精怒氣狀上氣不可當熱痛急盪心氣欲絕不得安息恚氣狀積聚心滿不思食飲喜氣狀不可疾行久立憂氣狀不可苦作卧不安席愁氣狀無故喜怒置物忽忘四方搜索不知其處四

肢腫腫不得舉止亦治產後中風餘疾

大黃

二兩半

人參

半夏

吳茱萸 柴胡

乾薑

細辛

桔梗

菖蒲

各二分

茯苓

芎藭

甘草

蜀椒

一用桂心

石膏

桃仁

各三分

右為末蜜丸如梧子大每服酒下三九日三服漸加至十丸又一方無茯苓芎藭甘草石膏桃仁

七氣丸

一名烏頭丸出千金方

治七氣積聚不散在於脇腹結

如杯胃中氣隔吐逆不能下食腹脇疼痛喜怒不常

呼吸短氣四肢不舉

烏頭

大黃

各七分

紫苑

半夏

細辛

丹參

茯苓

芎藭

桃仁

石膏

桔梗

菖蒲

一升

桂心

人參

甘草

吳茱萸

防葵

乾薑

蜀椒

各半兩

前胡

右為末蜜丸如梧子大酒服三九日三加至十九一方去半夏加甘遂三分無丹參甘草

七氣湯

出千金方

治寒氣熱氣憂氣喜氣恚氣怒氣結於膈

中不思飲食五臟不調氣衰力少

乾薑

黃芩

厚樸

一作桂心

半夏

桔萎

一作橘皮

粉甘草

乾地黄

芍藥

各三分

蜀椒

三兩一作桔梗

枳實

五枚

人參

一兩

淨吳茱萸

五合

右咀㕮以水一斗煮取三升分三服三日

四七湯

一名大七氣湯出三因方

治喜怒悲思憂恐驚之氣結成

痰涎狀如破絮或如梅核咽喉之間咯不出嚥不下

此七氣所為也中脘痞滿氣不舒快或痰涎壅盛上

氣喘急或因痰飲中節嘔逆惡心並宜服之 婦人

情性執着不能寬解多被七氣所傷遂致氣填胸臆
或如梅核上塞咽喉甚者滿悶欲絕產婦尤多此證
宜服此劑間以香附子藥久取效切不可謂紫蘇耗
氣且新產氣血俱虛不肯多服用之效驗不可殫述

半夏

五兩

茯苓

四兩

紫蘇葉

一兩

厚朴

三兩

右咬咀每服四錢水一盞半生薑七片棗一個煎至
六分去滓熱服不拘時候若因思慮過度陰陽不和

清濁相干小便白濁用此藥最為切當婦人惡阻間以紅圓子尤宜服之名厚朴半夏湯一名大七氣湯局方有七氣湯用半夏五兩人參官桂甘草各一兩生薑煎服大治七氣并心腹絞痛藥味大甜恐未必能止疼順氣一方治七情所傷腕中不快氣不升降腹肋脹滿用香附子炒半斤橘紅六兩甘草二兩煎服尤妙切不可謂香附子耗氣此藥大能資血養氣或入煨木香半夏人參一兩

人參散

出聖惠方

治憂恚寒熱喜怒及飲食阻隔內傷五

臟逆氣上攻不能還下心中悸動不安

人參

一兩去蘆頭

芍藥

一兩去木香

半夏

一兩湯浸七遍去滑

甘草

半兩炙微赤判

青橘皮

一兩湯浸去白穰焙

熟地黄

一兩

桂心

一兩

吳茱萸

半兩湯浸七遍焙乾微炒

前胡

一兩去蘆頭

白朮

訶黎勒皮

一兩

右為散每服五錢以水一盞入生薑半分煎至六分去滓每於食後稍熱服

欽定四庫全書

醫方
卷一百八十一

七氣湯

醫方集成

治寒氣怒氣恚氣喜氣愁氣憂愁內結

積聚堅牢如杯心腹絞痛不能飲食時發時止發即欲死兼治虛冷上氣

人參

去蘆

肉桂

去麋皮

甘草

炙剉各半兩

半夏

湯浸七次切片焙乾五兩

右㕮咀入半夏令停每服五錢水二大盞生薑五片煎七分去滓食前熱服一方治胸痺心痛徹背心嘔吐厥逆冷汗自出用半夏湯洗七次桂心不見火麋

末每服三錢水二盞薑七片棗五箇煎取一盞熱服

名通氣湯

七氣湯

出澹療方

治七情相干陰陽不得升降氣道壅滯

攻衝作痛

青皮 陳皮 桔梗 蓬莪朮 辣桂 藿香

益智仁

各一兩

香附

兩半

甘草

炙三分

半夏

製三分

四七湯

白一選方

治七種氣大七氣湯

錢文子曾服有效

人參

茯苓

各二兩

半夏

厚朴

薑汁製各三兩半

右為粗末每服三錢水一盞半生薑七片棗一枚煎六分食前服

大黃丸

出聖惠方

治七氣積聚堅牢心腹脹痛

川大黃

一兩剉碎微炒

川椒

半兩去目及閉口者微炒去汗

木香

三分

人參

三分去蘆

半夏

三分湯浸七次去滑

菖蒲

三分

桂心

三分

桔梗

三分去蘆頭

柴胡

三分去蘆

芎藭

三分

赤茯苓

三分

桃仁

三分湯浸去皮光雙仁麩炒微黃

乾薑

三分炮製剉

細辛

三分

吳茱萸

三分湯浸七遍焙乾微炒

右為末煉蜜和擣五七百杵丸如梧桐子大每服於食前以溫酒下十九漸加至二十九為度

半夏散

出聖惠方

治七氣臟腑虛冷心腹上勞及不能飲

食

半夏

一兩湯浸七遍去滑

人參

一兩去蘆

附子

一兩炮製去皮臍

陳橘皮

三分湯浸去白糧焙

厚朴

二兩去粗皮塗生薑汁炙令香熟

桂心

一兩

白朮

一兩

右為散每服五錢水一盞入生薑半分煎至六分去

滓於食前熱服

半夏散

出聖惠方

治七氣心腹積聚結塊如杯嘔吐寒熱

胸中短氣不能食

木香

一兩

桂心

一兩

人參

一兩去蘆

訶黎勒皮

半兩

乾薑

半兩炮製判

甘草

一分炒微赤判

青橘皮

半兩湯浸去白穰焙

吳茱萸

半兩湯浸七遍焙乾微炒

細辛

半兩

附子

半兩炮去皮臍

白朮

半兩

鼈甲

一兩半塗醋炙令黃去裙襴

京三稜

三分

檳榔

半兩

赤茯苓

三分

厚朴

半兩去麁皮塗生薑汁炙令香熟

當歸

三分

懷香子

半兩

右為散每服五錢以水一盞入生薑半分棗一枚煎至六分去滓每於食前稍熱服

檳榔湯

出千金方

治氣實若積聚不得食息滿腹刺痛泄

利不止

檳榔

二十枚

附子

一枚

半夏

一升

細辛

一兩

生薑

大黃

茯苓

各三兩

紫蘇

冬用子

紫苑

柴胡

各三兩

橘皮

甘草

各半兩

右呖咀以水一斗煮取三升分三服相去如人行十里久若有癥結堅實如石加鼈甲二兩防葵二兩氣上加桑白皮切二兩枳實厚朴各二兩消息氣力強弱進二劑後隔十日更服桔梗破氣丸

方見本門上氣類

白苳薏散

出仁齋直指

治七氣所傷滯於胸膈窒於咽喉

脹痛於心下噫氣吞酸不能飲食

白豆薏 縮砂 萆澄茄 丁香 木香

甘草

炒一分

青皮 陳皮 辣桂

各二分

厚朴

製

香附

炒各
三分

右為末每服三錢水一盞薑三片鹽一捻煎至七分

不計時候服

治氣滿閉塞不能食喘息方

出千
金方

右用訶黎勒十枚為末蜜丸如梧桐子大食後服三

九不忌諸物得利即止

治氣方

出千
金方

右用桃皮二斤去黃者咬咀以水五升煮取三升每

服一升

又方

出千金方

右用酒服驢二合日二

又方

出千金方

右用黃牛乳二升煎取一升和生乳一升空腹服之

日一

又方

出千金方

右用驢乳初服三合三日後加至五合五日後加至七合七

日後加至一升忌葵菜豬魚油等一方尿空腹服百日
止去一切病

硫黃丸

出千金方

治氣逆虛癰胸膈中痰惡心腹痛氣急

不下飲食

硫黃

礬石

乾薑

附子

烏頭

桂心

細辛

白朮

桔梗

茯苓

各一兩

右為末蜜丸如梧子大酒服十九日三漸加之以瘥
為度一方無白朮桔梗茯苓用吳茱萸蜀椒人參皂

角當歸丸用治大人冷下月溫飲水不解衣者一方
若冷痢者加赤石脂龍骨即愈也

大前胡湯治極氣傷熱喘息衝胸常欲自恚心腹滿痛
內外有熱煩嘔不安甚則吐血氣短乏不欲食口燥
咽乾

前胡

兩八

半夏

麻黃

芍藥

兩各四

生薑

兩五

黃芩

兩三

枳實

枚四

大棗

枚十二

右㕮咀以水九升煮取三升去滓分三分溫服

紫蘇子丸

出利
濟方

治一切氣逆胸膈噎悶心腹刺痛脇

肋脹滿飲食不消嘔逆欲吐及治脾胃傷冷咳嗽痞

滿或上氣奔急不得安卧

紫蘇子

揀
淨

陳皮

去白各
二兩

肉桂

去
皮

人參

去
蘆

高良薑

炒各
一兩

右為細末煉蜜和丸彈子大每服一九細嚼溫酒下

米飲亦可不計時候或作小丸服亦得若食瓜膾生

冷覺有所傷噫氣生熱欲成霍亂者含化一九細細

嚙汁服盡永不患霍亂

調中沈香湯

出和劑方

調中順氣除邪養正治心腹暴痛

胸膈痞滿短氣煩悶痰逆惡心飲食少味肢體多倦
常服飲食增進臟腑和平肌膚光悅顏色光潤

麝香

研半錢

沈香

二兩

生龍腦

研一錢

甘草

炙一分

木香

白豆蔻

各一兩

右為末研均每服半錢用沸湯點服或入生薑一片
鹽少許亦得酒食後服之大妙

勻氣散

出和
劑方

治氣滯不均胃膈虛痞宿冷不消心腹

刺痛除脹滿噎塞止嘔吐惡心常服調脾胃進美飲食及治氣鬱生涎忽然倒暈不知人事

丁香

檀香

木香

白豆蔻仁

各二兩

藿香葉

甘草

縮砂仁

四兩

右為末每服一錢入鹽末一字用沸湯點服不計時候或薑棗略煎服如卒中昏不知人事急煎紫蘇天麻湯調下一二服間以蘇合香丸然後斟酌虛實進

三生三建等藥古人治風先治氣氣順則風除設是氣中用之尤為切當

烏沈湯

出和劑方

和一切氣除一切冷調中補五臟益精

壯陽道暖腰膝去邪氣治吐瀉轉筋癱瘓冷痛風水毒腫冷氣麻痺又治惡心腹痛蠱毒疰忤鬼氣宿食不消天行瘴疫膀胱腎間冷氣上衝背脊俯仰不利及婦人血氣攻擊心腹撮痛並宜服之

大白烏藥

一百兩

沈香

五十兩

人參

三兩去蘆

甘草

燼四兩半

右為末每服半錢入生薑三片鹽少許沸湯點空心

食前服

三和散

出和劑方

治五臟不調三焦不和心腹痞悶脇肋

膜脹風氣壅滯肢節煩疼頭面虛浮手足微腫腸胃燥澁大便秘難雖年高氣弱並可服之又治背脇痛有妨飲食及腳氣上攻胸腹滿悶大便不通

羌活

去蘆

紫蘇

莖梗去麤皮

沈香

宣州木瓜

薄切焙乾

大腹皮

炙焦黃
各一兩

芎藭

三兩

甘草

炒

陳皮

去白

木香

檳榔

麴裏煨
熟去麴

白朮

各三分

右為麤末每服一大錢水一盞煎至六分去滓溫服

不拘時一方加赤茯苓可以和氣利水

青木香丸

出必
效方

療一切氣腹脹滿心痛氣冷食不消方

青木香

檳榔

各六分

芍藥

大黃

十二分

枳實

炙

訶黎勒皮

各五分

桂心

四分

右為細末煉蜜為丸如梧子大每服十五丸米飲下

以意增減之常令溘利甚効

積氣丸

出和劑方

治陰陽不和臟腑虛弱寒冷之氣留滯

於內使氣積不散胸脇支滿食即氣噎心腹膨脹氣刺氣急宿食不化心腹引痛噎氣吞酸停飲浸漬惡心嘔逆癖塊疼痛臟腑不調飲食不進往來寒熱漸覺羸瘦以致着床面黃肌精神困頓

巴豆

一百箇去皮心膜出油取霜三錢

桃仁

去皮尖麩炒別研一兩半

附子

炮去皮臍半兩

大黃

麩裏煨去麩為末一兩

乾漆

炒焦

米醋

五升以礪砂大黃用慢火熬成膏

木香

朱砂

飛研

鼈甲

醋炙黃半兩

三稜

煨乘熟搗碎

肉桂

去麤皮

礪砂

研各二兩

麝香

別研二錢半

右為細末研勻以醋膏為丸梧子大每服二丸炒生薑湯溫下或木香湯亦得食後卧服更看虛實加減服之忌生硬冷物

分心氣飲

出和劑方

治男子婦人一切氣不和多因憂愁

思慮怒氣傷神或臨食憂戚或事不遂意使鬱抑之

氣留滯不散停於胸膈之間不能流暢致心胸痞悶
脇肋虛脹噎氣不通噫氣吞酸嘔噦惡心頭目昏眩
四肢倦怠面色痿黃口苦舌乾飲食減少日漸羸瘦
或大便虛秘或因病之後胸膈虛痞不思飲食並皆
治之常服升降陰陽溫和脾胃順三焦進飲食

木香

不見火

桑白皮

炒各半兩

大服皮

炮

丁香

半兩

桔梗

去蘆炒

麥門冬

子去心

草果仁

大服子

炙

厚朴

去粗皮薑汁製

白朮

人參

剉各半兩

香附子

炒去毛

紫蘇

去梗

陳皮

去白

藿香

各一兩半

甘草

炙一兩

右咬咀每二錢水一盞入薑三片棗一枚劈破去核及

燈心十莖煎至七分去滓溫服不拘時候

和氣七聖散

王氏博濟方

厚朴

四兩去皮剉細用薑汁浸一宿炒紫黑色

陳皮

去白六兩炒勻

生薑

二兩淨洗切作片子日曬乾別炒紫黑色

甘草

二兩剉細炒令紫黑色

草豆蔻

二兩炮細更炒令勻

右四味炒了更同炒令勻同為細末常服二錢入鹽
少許點喫忽患脾氣等疾每服三錢薑三片棗一枚
水一盞同煎至六分溫服婦人冷血氣亦宜服忽氣
瀉及氣痛等並宜服食凡踈轉後並宜以此補治也

塌氣丸

出醫方
集成

胡椒

一兩

木香

一錢

蝎尾

去毒
半兩

右為末麵糊為丸如菡豆大每服二十九陳米飲吞

下

沈香降氣湯

出百一選方

治陰陽壅滯氣不升降胸膈痞

塞心腹脹滿喘促短氣乾噦煩滿咳嗽痰涎口中無
味嗜卧減食又治胃痞留飲噫醋聞酸脇下支結常
覺妨悶及中寒咳逆脾濕洞泄兩脇虛鳴臍下撮痛
皆能治之患脚氣人每氣上衝心胸飽滿肢體浮腫
常服開胃消痰散壅思食

香附子

炒去毛
四百兩

沈香

十八兩半

縮砂仁

四十兩

甘草

炙一百
二十兩

右為細末每服一錢入鹽少許沸湯點服凌旦霧露
空心服去邪惡氣使無瘴疫

小烏沈湯

出和劑方

治調中快氣治心腹刺痛

烏藥

十兩
去心

甘草

炒一兩

香附子

炒盆內燥去皮
毛焙乾二十兩

右為細末每服一錢入鹽少許或不着鹽沸湯點服不
拘時候

小七香丸

出和劑方

治溫中快膈化氣治酒吐酒嘔逆噯

酸氣隔食噎飲食不下冷涎翻胃腹脹痞疼遠年茶

酒食積眼臉俱黃赤白痢疾脾毒泄瀉婦人脾血氣
小兒疳氣並宜服之

甘草

炒一百
二十兩

甘松

炒八
十兩

益智仁

炒六
十兩

香附子

炒去
毛

丁香皮

各一百
二十兩

蓬莪朮

煨令
熟

縮砂仁

各二
十兩

京三稜

煨切一
方無

右為末水浸蒸餅為丸如菉豆大每服二十九溫酒
薑湯熟水任下或氣脹滿磨烏藥水煎湯下或酒食
過度頭眩惡心胸膈滿悶先嚼二十九後吞二十九

生薑紫蘇湯下此藥性溫平不動臟腑

降氣湯

一名秘傳陰氣湯出和劑方

治男子婦人上熱下虛凡飲

食過度致傷脾胃酒色無節耗損腎元水土交攻陰陽閉隔遂使氣不升降上熱則頭目昏眩痰實嘔逆胸膈不快咽喉乾燥飲食無味下弱則腰脚無力大便秘澀裏急後重臍腹冷痛治以涼則脾氣怯弱腸鳴下利治以溫則上焦壅熱口舌生瘡及脚氣上攻與久痢不瘥先服此藥却以所主藥治之氣壅耳聾發

熱咽疼亦效

桑白皮

炒二兩

骨碎補

去毛炒

草果仁

去皮煨

五加皮

酒浸半日炒黃

半夏麴

炒

訶子

炮去核

桔梗

各半兩

甘草

炒

枳殼

去白炒黃

柴胡

去蘆

地骨皮

炒黃各一兩

陳皮

去白炒黃一兩

右為麤散和勻再就蒸一復時曬乾每服二錢紫蘇三葉薑三片水一盞同煎至七分食後通口服常調順榮衛通利三焦開膈化氣和五臟如痰嗽加半夏

倍之心肺虛加人參茯苓煎上膈熱加北黃芩煎下
部大段虛加少許炮附子生薑婦人血虛加當歸煎
本堂為有患者多是關膈不通氣逆吃噎上盛下虛
氣不升降常用治之無不見效

神仙沈麝丸

出和劑方

治一切氣痛不可忍者

沒藥

半兩

血蜎

研

沈香

剉

麝香

細研

木香

半兩

甘草

辰砂

各一兩

右為末熬甘草為膏搜和每服一九用薑鹽湯嚼下

血氣醋湯下婦人產後血痛氣痛不可忍者只一九
立愈松滋令萬君擬寶此藥神效

順氣木香散

出和劑方

治氣不升降嘔逆惡心胸膈痞滿

脇肋脹滿及酒所傷噫氣吞酸心脾刺痛大便不調
面黃肌瘦不思飲食兼療婦人血氣刺痛及一切冷
氣

丁香

不見火

縮砂仁

良薑

去蘆炒

乾薑

炒

肉桂

去麁皮

甘草

炒

厚朴

去粗皮薑汁炒

陳皮

去白

蒼朮

米泔浸

桔梗

去蘆

茴香

炒各三兩

右為細末每服二錢水一盞薑三片棗二枚煎至八分稍熱服不拘時候或入鹽少許沸湯點服常服寬中順氣和胃進食

和氣散

出醫方集成

治脾胃不和中脘氣滯宿寒留飲停

積不消心腹脹滿嘔吐酸水脾痛泄瀉臟腑不調飲食減少男子婦人一切疾並宜服之

香附子

去毛炒

陳皮

去白

肉桂

去麝皮

良薑

去蘆

青皮

去白

甘草

燼

茴香

炒

蒼朮

米泔浸
各一兩

桔梗

去蘆
三兩

右為細末每服二錢入鹽少許沸湯點服或鹽酒調下不拘時候常服溫脾胃進飲食有益於人治心疼有神效

集香丸

出和劑方

治脾胃一切氣胸膈痛悶脇肋脹滿心

腹疼痛噫氣吞酸嘔逆惡心不思飲食或因酒傷脾胃不和並皆治之

白豆蔻仁

縮砂

木香

不見火

薑黃

各四兩

丁香

不見火六兩

附子

炒去毛四兩八錢

麝香

研八錢

甘草

十六兩內二兩入藥十四兩搗碎煎膏

右除研藥為細末入射拌勻用甘草膏搜和為丸如
梧子大服一二丸細嚼嚥津下不拘時候常服寬中
順氣消宿酒進飲食磨積滯去麤塊

木香流氣飲

出和宣方

治男子婦人五臟不調三焦氣壅

心胃痞滿噎塞不通腹脇膨脹嘔吐不食又治上氣

喘急咳嗽涎盛面目虛浮四肢腫滿大便秘滯小便不通及治憂思太過攻陰陽之氣鬱結不散壅滯成疾又治寒傷纔覺得疾便服此藥升降陰陽汗出立愈又治腳氣腫痛喘急腹滿大便不通及氣攻肩背脇肋走注刺痛並皆治之

半夏

湯洗七次二兩

陳皮

去白二兩

青皮

去白

甘草

厚朴

去粗皮薑汁炒

附子

炒去毛

紫蘇

去根梗各三兩

人參

麥門冬

各四兩

草果仁

肉桂

去皮不見火

蓬朮

煨切

大腹皮

丁香皮

檳榔

白芷

木香

不見火

藿香葉

各六兩

木通

去葉八兩

赤茯苓

去皮

白朮

乾木瓜

去皮

石菖蒲

右咬咀每服半兩水一盞薑三片棗一枚劈破同煎七分去滓熱服不拘時候如心脾疼入菖蒲五片同煎婦人血氣病入艾醋同煎傷寒頭疼發熱咳嗽連根葱白三根同煎如膈氣病入陳橘皮少許同煎心中怔忡入麥門冬子數粒同煎如臟腑利入粳米一

撮同煎並不拘時候一方無石菖蒲藿香有沈香六兩
枳殼去穢炒四兩大黃麴裏煨去麴切二兩

木香散

出和劑方

治升降諸氣宣利三焦疎導壅滯發散

邪熱治陰陽之氣鬱結不消諸熱蘊毒腫痛結核或
似癰癤而非使人頭疼惡心寒熱氣急

木香

丁香

沈香

乳香

藿香

各等分

右為粗末每服二錢水一盞半煎至八分去滓食後
溫服

人參木香散

出和劑方

順氣寬中治胃膈痞塞心腹刺痛

脇肋脹滿飲食減少噫氣吞酸嘔逆噎悶一切氣痰

並治之

木香

不見火

青皮

不去白各三兩

薑黃 麥葉

去土各五斤

甘草

判炒十斤

蓬朮

刷洗四斤

鹽

炒十斤

人參

三斤

右為末每服一錢沸湯點服不拘時候

木瓜湯

出御藥院方

調氣利膈消痰止嗽治胃膈煩悶口

乾多渴兼治腳氣

木瓜

一斤切
片去皮

白鹽

好者

生薑

一切

甘草

各四兩

右一處搗勻磁盒器內淹一宿焙乾搗羅為末每服一錢沸湯點服不拘時候

沈香降氣丸

出御藥院方

治胃膈痞悶氣不升降飲食減

少肢體怠惰嘔噦惡心臍腹疼痛常服和脾胃進飲食利胸膈

沈香

一兩半

香附子

去毛五兩

蓬莪朮

剉碎

木香

各二兩

甘草

輕炒七兩

豆粉

輕炒九兩

薑黃

洗淨八兩半

右為細末水浸蒸餅為丸如櫻桃大以硃砂為衣每服三二丸至五丸細嚼生薑湯下溫水亦可不拘時

候

三腕痞氣丸

出御藥院方

治三焦痞滯氣不升降水飲停

積不流行脇下虛滿或時刺痛並宜服之

木香

白豆蔻

去皮

青皮

陳皮

各去白

京三稜

炮各一兩

大腹子

三分

半夏

湯浸七次二兩

縮砂仁

檳榔

沈香

各半兩

右為細末麵糊為丸如梧桐子大每服三十九漸加至六十九食後陳皮湯下

香橘湯 療一切氣不快久病服藥不下者

香附子

大者去鬚

陳皮

去白

枳實

生用

白朮

各四兩

甘草

右為細末每服二錢入鹽少許沸湯點服或用生薑棗煎尤妙如傷風用生蔥白二寸生薑五片棗二枚水一盞煎至七分溫服不拘時候

調胃丸 療陰陽氣不和三焦痞隔五勞七傷山嵐瘴

氣八般瘧疾心腹脹滿嘔逆惡心痰涎咳嗽手足虛

腫五種隔氣噎塞熱水瀉諸痢脾胃不和飲食減少

藿香 陳皮

去白

甘草

炙

半夏麴 厚朴

薑製各
三兩

右為細末生薑麵糊為丸如梧子大每服五十九食

前生薑湯下

木香順氣丸 治臟腑停積氣結不散腹脇膨脹臍腹

痛流注腰脚沈重疼痛痞滿不思飲食

全蝎

去毒
微炒

茴香

微炒

肉豆蔻

麵裹
煨熟

木香

胡椒

各一
錢

青橘皮

去白焙
二錢

蘿蔔子

四兩
炒

薑黃

二錢

右為末生薑自然汁一半好酒一半和勻煮麵糊為

丸如梧子大每服二十九煎紫蘇橘皮湯下

枳實理中丸

治中脘痞滯氣不宣通積寒停飲食不

化

枳實

麵炒

人參

乾薑

炮

白朮

甘草

炙

白茯苓

去皮各一兩

右為末煉蜜和丸每兩分作四丸每服一九水一盞同煎八分熟服不拘時候一方無白茯苓細嚼白湯下或用湯化服

理氣丸

陳皮

青皮

各去白

五靈脂

玄精石

各一兩

右為末生薑汁打糊為丸如梧子大每服三十九食前生薑湯下

枳殼丸

治胃中噎塞不通酒食所傷常服消導滯氣

枳殼

麩炒
去穢

蓬莪朮

各半
兩

薑黃

半夏

洗七
遍

甘松

去土各
一錢

陳皮

去
白

大麥

炒各七
錢半

右為細末麵糊為丸如梧桐子大每服五十丸食後

陳皮湯下

木香順氣丸

治停飲遲化中氣不和

木香

京三稜

炮

石三稜

檳榔

雞爪三稜

陳皮

去
白

半夏

生薑
製

人參

去
蘆

白茯苓

皮去

蘿蔔子

微炒各一兩

縮砂仁

半兩

白豆蔻

半兩

黑牽牛

微炒頭

朱

五兩

右為細末生薑汁麵糊和丸如梧桐子大每服四十丸加至五十丸食後生薑湯送下

順氣寬中散 治陰陽不和三焦痞隔氣行滯滯中滿

不快咽噎噎悶恚氣奔急肢體煩倦不欲飲食常服

宣氣血

枳實

麩炒

檳榔

荆三稜

煨

蓬莪朮

煨

桑白皮

去粗皮
剉炒

大麥蘖

炒

人參

去蘆各
一兩

甘草

炙七
錢

右為細末每服二錢入鹽米少許生薑二片沸湯點

服不拘時候一方無薑

小沈香丸

和中順氣嗜食消痰又治飲酒後乾嘔痰

涎氣噎痞悶

舶上丁香皮

二兩
四錢

沈香

六錢

縮砂仁

四錢

蓬莪朮

煨四
錢

香附子

去毛炒一
兩一錢

甘草

炙一兩
四錢

甘松

去土三兩六錢

益智仁

炒一兩六錢

右為細末湯浸蒸餅為丸如梧子大每服三十九至四十九食後溫生薑湯送下或嚼破更妙

分氣丸 治膈氣痰實不化

木香

青皮

去白

陳皮

去白

白豆蔻仁

縮砂仁

荊三稜

炮切

蓬莪朮

炮切

萆澄茄

蘿蔔子

枳實

麩炒各一兩

黑牽牛

炒二兩一方有威靈仙無牽牛

右為細末麵糊為丸如梧桐子大每服五十九食後

生薑湯下

三和丸 治三焦不和氣不升降心胃痞悶脇肋疼痛

療因傷冷物傳化

枳實

麩炒

檳榔

半夏

湯浸各三兩

木香

青皮

去白

陳皮

去穰

赤茯苓

去皮

丁香皮

蘿

子

炒各一兩半

沈皮

一兩

白朮

一兩半

桂

去粗皮

白豆蔻仁

藿香

各一兩

黑牽牛

一箇炒搗細頭末半斤

荆三稜

四兩

蓬莪朮

三兩

右為細末酒糊丸如梧子大每服三十丸至五十丸
薑湯下

橘皮枳殼湯 治胃膈氣痞短氣噎悶不得升降

陳皮

不去白
三兩

枳殼

麩炒
去穰

半夏

不製各
二兩

人參

一兩

右同剉碎每藥一兩用泉水一升生薑十餘片同煎至
八分一盞去滓稍溫服如大便澀入白蜜少許食後
大劑如上喘東流河水更妙此是半夏湯古方右四

味用泉水五大升入白砂蜜四兩調均用杓揚藥水
二百四十遍煮取一升去滓分作三服一日管服盡
食後服之

氣寶丸 治一切滯氣腹中積聚心胸痞滿服悶喘急
及風邪久滯痰涎咳嗽酒食有傷脾胃滯氣膀胱寒
氣攻注體背腰脊腫不可俯仰此丸順一切滯氣為
氣藥之寶因名氣寶丹

舶上茴香

揀淨銀石器內
香紙炒香二兩

木香

一分

陳皮

去白
焙乾

大檳榔

一兩四味
同研為末

黑牽牛

四兩揀淨用茱萸二兩慢火同炒候
茱萸焦只取牽牛子一味研取末二兩

右為細末拌勻煉蜜為丸如梧子大每服十丸至十

五丸米飲或木香湯下有痰即用檳榔末半錢水半盞
煎數沸放溫下藥欲微疎利加至三十丸至四十九看
虛實腹稍空服之

丁皮丸 行滯氣利胃膈進飲食

丁香皮

陳橘皮

去白

荆三稜

煨炒

檳榔

各一兩

青木香

一分

射香

蓬莪朮

煨切
半兩

右為末微炒再擣為細末水煮麵糊和丸如菉豆大
每服七丸至十九丸溫生薑湯下不拘時候胸膈滿悶
用橘皮湯嚼破十九丸下七丸加至六十九丸至八十九丸
中滿悶用橘皮湯嚼破二十九丸下五十九丸下

商殼丸 治胃膈痞滯氣不宣暢破痰逐飲

商枳殼

麩炒
去穢

大皂角

去皮子酥炙
黃色各二兩

檳榔

青皮

去
白

半夏

洗七
次

木香

各半
兩

右為細末生薑汁麵糊為丸如菉豆大每服四十五

九食後溫服生薑湯送下

烏藥順氣散

治證同前

方見和劑局方諸風門

每服加蘇木桃仁生香附子并貼水敗荷末一錢重
水蛭一分炒茴香一分水煎服停血脹滿加毛蛇藤根
生研自然汁湯酒各半浸服若心頭緊痛通氣通血
伏盛槐花散槐花黃連各半兩熟枳殼生大黃各三
錢黃芩二錢朴硝蘇木各一錢咬咀分作二服燈心
百莖濾後加清油半錢又方蜜入小便酒空心服即

通

沈香散 治氣滯不通利飲食不得息者

沈香

枳殼

麵炒
去穢

白牽牛

微炒

青皮

去白

木通

各一兩

右為粗末每服五錢水一盞半入生薑五片同煎至七分去滓食後稍熱服

檳榔枳殼丸

寬中利膈行滯氣消飲食治胃膈噎塞

腹脇脹滿心痞痛大小便不利及一切氣滯不調

檳榔

木香

各四錢

丁香皮

厚朴

薑製

玄胡

荊三稜

蓬莪朮

雷丸

各半兩

青皮

枳殼

陳皮

當歸

牽牛

二兩

蘿蔔子

一兩半

右為細末醋麵糊和丸如梧桐子大每服五十六十
丸食後生薑湯下

法製陳皮散 消食化氣寬胃利膈每服不以多少細

嚼咽下無時

陳皮

半斤去穢淨四兩切作條子

青鹽

四兩

茴香

甘草

炙各二兩

乾生薑

烏梅肉

各半兩

白檀

二錢半一方無白香

右惟陳皮外並為細末用水一大碗蘇末拌勻藥末三兩同陳皮一處慢火煮俟陳皮極軟控乾少許別用乾藥末拌勻焙乾

溫中降氣丸

治脾胃不和不思飲食心腹滿悶脇刺

痛嘔吐痰水噎醋吞酸飲食遲化或逆上衝或中滿虛痞胸膈不利常服消痞快氣進飲食

荆三稜

蓬莪朮

判

良薑

判

木香

吳茱萸

湯洗

乾薑

炮

青皮

去白

陳皮

去穢各一兩

右為細末水煮麵糊和丸如梧子大每服六十九食後生薑湯下

寬中丸

治氣不升降痰涎鬱塞飲食不化

木香

半夏

生薑製各三兩

牽牛

四兩微炒取頭末二兩

檳榔

麵煨熟二兩

荆三稜

七錢半

陳皮

青皮

各半兩

右為細末水煮麵糊為丸如梧子大每服五十九食

後生薑湯送下

調中丸

御藥院方

剖判清濁升降水土流溫潤燥消飲除

痰

赤茯苓

白朮

桔梗

判碎

澤瀉

陳皮

去白

猪苓

去皮

黃芩

木通

各二兩

乾生薑

三錢

右為細末麵糊為丸如梧子大每服五十九食後生

薑湯

均氣散

御藥院方

治三焦澁滯氣不通宣

木香

桔梗剉炒

廣茂

木通各半兩

枳殼

麵炒去穢

青皮

去白各一錢半

荆三稜

剉炮

甘草

炙各一兩

右為細末每服三錢水一盞生薑三片同煎至七分

去滓食後溫服

菖蒲青皮散

御藥院方

治氣不暢心胃痞悶腹肋脹滿胃

痺心痛不可坐卧喘麓悶亂不思飲食

石菖蒲

青皮去白

陳皮

去白

赤茯苓

去皮

大黃

木通

剉

川芎

人參

各一兩

川薑

炮

甘草

炙各半兩

右為麤末每服五錢水二盞入生薑五片同煎至六

分去滓溫服不拘時候

玄明粉

御藥院方

治膈上氣壅五臟秘澁邪熱服之氣快

方見膈噎門五隔類

沈香導氣丸

御藥院方

消食順氣止逆升降陰陽

沈香

木香

丁香

白檀

白豆蔻仁

縮砂仁

藿香

去土

香附子

麝香

一錢
白研

右為細末甘草膏子為丸如雞頭子大每服三丸細嚼

白送下加至十五丸或每日不計服數一兩作四十

丸

交泰丸

御藥
院方

溫中降氣進美飲食

沈香

半兩

木香

一兩

阿魏

細研一錢白麵作餅炙
令香熟用水和半兩

神麴

炒

大麥蘖

炒

檳榔

各一兩

青皮

去白

陳皮

去稂

枳殼

麵炒去稂

荆三稜

炮

蓬莪朮

煨各二兩

射香

二錢半

右為細末水煮麵糊為丸如梧子大每服四十九食

後生薑湯送下

萆澄茄丸

御藥院方

寬中順氣消積滯化痰飲及水穀不

化療心腹滿悶大便秘澀

荆三稜

剉碎二兩

陳皮

去白一兩半

蓬莪朮

剉碎三兩

枳殼

生

檳榔

各一兩

黑牽牛

微炒五兩

右為細末水麵為丸如梧子大每服五六十丸食後煎淡生薑湯送下量虛實加減

治惡氣 用橙子皮和鹽蜜細細食之

紫沈通氣湯

御藥院方

治三焦氣澁不能宣通水液腹脇

痞悶大便或難

紫蘇葉

枳殼

麩炒

陳皮

去白

檳榔

赤茯苓

甘草

微炒各一兩

沈香

木香

麥門冬

乾薑

五味子

枳實

麩炒

桑白皮

黃嗜

薄荷葉

荊芥穗

各半兩

右為麤末每服秤半兩用水一盞半煎至八分去滓

空心食前溫服

葦靈仙丸

御藥院方

治三焦氣滯大便秘澁疎分順氣化

痰消穀

葦靈仙

洗淨焙乾四兩

大黃

二兩剉炒

檳榔

木香

陳皮

枳殼

去白麪炒各一兩

右為末煉蜜丸如梧子大每服三十九溫水送下食

後稍空服以意斟量大小加減丸數氣順為度藥中
雖有葳靈仙非單服不忌茶

甘草白豆蔻散

御藥
院方

治脾胃虛寒氣痞胸膈不思飲

食

白豆蔻仁

厚朴

生薑
製

白朮

沉香

陳皮

各等
分

右為呿咀每服秤一兩水二盞半生薑十片同煎七
分去滓稍服不拘時候

薑魏丸

聖劑
總錄

治一切氣拜婦人血氣調胃氣化冷痰

生薑

一斤去皮切片
鹽淹一宿焙乾

阿魏

一錢用白麴和
作餅子炙黃

青橘皮

去白
焙

甘草

炙
剉

陳皮

去白焙
各二兩

當歸

切
焙

白芷

胡椒

蓬莪朮

炮
剉

桂心

去粗皮
各一兩

丹砂

研為
衣

木香 丁香

右除丹砂外搗羅為末煉蜜和搗三二百杵為丸如櫻桃大丹砂為衣每服一九生薑湯送下婦人醋湯下空心食前服之

橙皮丸

御藥院方

調中順氣生津止渴

烏梅肉

各一兩

白茯苓

去皮

糖霜

各二兩

沈香

白木

各半兩

乾生薑

二錢半

木瓜

去皮

橙皮

去白五錢

右為細末用甘草膏子和成劑每服作二十五丸欲作渴用水化開寒熱溫涼任意飲之或含化亦可

寬中理氣丸

御藥院方

順理諸氣寬理胃膈調和脾胃消

化痞滯又除心腹脹脇肋刺痛嘔逆痰水噫聞食臭

全不思食常服消留飲停痰升降陰陽進美飲食

葫蘆巴

杜丁皮

乾薑

炮各半兩

青皮

黑牽牛

炒黑

陳皮

并去白炒

厚朴

去粗皮生薑半兩製細炒黑色一兩

右為末白麪糊為丸如菜豆大每服二十九食後生

薑湯下

木香餅子

御藥院方

疎氣消食利胃膈化痰涎止宿酒痰

逆嘔噦惡心

木香

姜黃

洗焙

香白芷

香附子

剉去鬚炒

甘松

去土

芎藭

縮砂仁

桂

去粗皮
各一兩

甘草

炙
半兩

右為細末水和捏作餅子每服十數餅子細嚼生薑湯下

檳榔丸

御藥
院方

治氣不宣通飲食遲化胃膈痞悶噫氣

吞酸頭目重眩脇肋刺痛嘔逆惡心

檳榔

青皮

去白

陳皮

去白

舶上香皮

縮砂仁

桂

去粗皮
各半兩

丁香

木香

各二錢半

肉豆蔻

烏梅

全用
二兩

巴豆

不去皮別
搗一兩

硃砂

別研
二錢

右為細末醋糊為丸如菉豆大不得見日并火只風
中眼乾每服三五丸食後生薑湯放冷下更量臟腑
虛實加減

麝香平氣丸

御藥
院方

治五臟不調三焦不和心腹痞悶

脇肋脹滿痰逆惡心吞酸噫食腹肋疼痛肢體倦怠
又治陰陽不和寒冷之氣留滯於內食即噫悶胃膈

不快心腹引痛停飲不散並皆治之常服和脾胃進飲食辟除邪氣

麝香

白炒研

木香

沈香

丁香

肉豆蔻

丹砂

別研半兩

檳榔

煨剉

桂

去粗皮

厚朴

去粗皮塗生薑汁炙

乳香

生薑汁內煮軟俱冷白研如膏

半夏

湯浸七次切焙乾為末薑汁和作餅子燒化白搗末各兩

右除別搗研外並為細末次入丹砂射香再研勻將乳香半夏末入生薑汁煮作薄糊和煎藥硬軟得所九如梧子大每服三十九至四十九食後溫米湯下

一方無沈香

阿魏丸

御藥院方

治男子婦人一切氣攻刺痛呼吸不得

滑泄

阿魏

一兩半

當歸

細切醋炒

吳茱萸

醋炒

川芎

剉醋炒

陳皮

湯浸去白醋炒

吳白芷

附子

炮去臍

桂

去粗皮

肉豆蔻

硃砂

另研各半兩

白芨

木香

延胡索

剉碎醋炒各七錢半

乾薑

炮

蓬莪朮

各一兩

右除阿魏硃砂外同搗為末以頭醋半升浸阿魏經

宿用生薑生絹袋取汁煮糊為丸如梧子大以硃砂為衣每服五九溫酒下橘皮湯亦滴婦人醋湯下不拘時候

厚朴丸

御藥院方

寬中利膈行導滯消氣化飲食治胃膈

噫塞腹脇脹滿心下堅痞噦中水聲嘔噦痰逆不思飲食

厚朴

薑製

百草霜

各二兩

乾薑

炮

半夏

荊三稜

炮

蓬莪朮

炮

檳榔

各一兩

甘松

半兩

陳皮

去白

青皮

去白

牽牛

炒八兩

附子

一箇炮去皮臍

右為細末麪糊為丸豆蔻大每服二十九食後生薑

湯下

豆蔻湯

御藥院方

治胃膈痞滿吐噦惡心腹脇刺痛短氣

噎悶噫氣吞酸不思飲食一切氣疾並皆治之常服
溫中和氣進美飲食

草豆蔻仁

七錢炒

杜茴香

炒

甘草

炒

大鹽

炒

乾生薑

已上各一兩

右為末每服一錢沸湯點服不拘時候

塌氣散

御藥院方

順氣寬中升降利膈治中脘痞滯心腹

堅脹脇下緊硬喘滿短氣噫息不通嘔吐痰水大便
不調

茴香

炒

枳殼

麩炒去白

茯苓

人參

乾薑

各一兩

陳皮

去白

青皮

去白各一兩

蒼朮

甘草

炙

良薑

各半兩

丁香

二錢半

右為粗末每服三錢水一盞生薑五片煎至七分去

滓稍熱服不拘時候一方如茶點滴服

引氣丸

御藥院方

治痰氣不下心虛生熱神氣怯浮恍惚

多驚

人參

去蘆

半夏

生薑製

生地黄

麥門冬

去心

青皮

去白各一兩

磁石

二兩水飛

右為細末麪糊為丸如梧桐子大硃砂為衣每服五

十九溫米飲湯送下飲食前空心服

沈香升降湯

御藥院方

治一切氣升降不快脇肋刺痛胃

膈痞塞

出醫方
集成

沈香

檳榔

各二兩

人參

大腹皮

剉炒

白朮

烏藥

附子

炒

厚朴

去皮生薑製

麥蘖

炒

神麴

炒各二兩

橘皮

去白

甘草

炒

薑黃

各四兩

荆三稜

蓬莪朮

益智仁

各二兩

右為細末每服二錢食前沸湯點服一方加紅花

豆蔻木香丸

御藥院方

宣通一切滯氣宿食痰飲清利頭

目消磨積蘊症癖等疾形體瘦弱不禁宣瀉並宜服

之并治腿脚沈腫不任攻擊者

白豆蔻仁

木香

胡椒

各半兩

玄胡

去白

益智

荆三稜

炮赤槌碎

雷丸

青皮

去白

蓬莪朮

炮赤槌碎

白朮

陳皮

去白一兩

縮砂仁

當歸

去蘆各七錢半

半夏

湯浸七次生薑汁製

商枳殼

一兩半麩炒去糠

牽牛

八兩微炒取頭二兩四錢

右為細末生薑汁麵糊為丸如梧子大每服三十九食後生薑湯下諸痰飲皆下如覺時內傷可七八十

九有益無損令人肥壯老幼男女皆得服之一月已後但覺身輕為驗一方不用胡椒陳皮名順氣枳殼九有孕婦人不可服之

流氣飲子

濟生拔粹方

治男子婦人五臟不調三焦氣壅

心胃痞滿咽塞不通腹脇膨脹嘔吐不食及上氣喘急咳嗽涎盛面目虛浮四肢腫痛大便秘澀小便不通憂思太過陰陽之氣鬱而不散壅滯成痰及腹纒脹連服此藥升降陰陽汗出立愈及腳氣腫滿疼痛喘

急腹脹大便不通及氣攻肩背脇走注疼痛

紫蘇葉

青皮

去白
洗焙

當歸

芍藥

烏藥

茯苓

桔梗

半夏

湯洗

川芎

枳殼

麩炒

黃耆

防風

甘草

炙

陳皮

去白
三分

木香

一分

連皮大腹子

共皮計一兩剉
薑汁浸一宿

右咬咀如麻子大每服秤半兩水一大盞生薑三片棗一枚劈破同煎至七分濾去滓熱服不拘時如病在心脾入菖蒲五片同煎婦人血氣入艾同煎傷寒頭

疼發熱咳嗽入連鬚葱白三寸同煎五膈氣入陳皮
少許同煎心中怔忡入麥門冬子數粒同煎臟腑利
入粳米一撮不拘時候或粗搗篩亦可一方加檳榔
枳殼

木香檳榔丸

御藥
院方

治一切氣滯心腹滿悶脇肋膨脹

大便小便結滯不快利噦逆酸臭宿食不消

此名木香檳榔 元是子和之方 治腎水陰不足

久服養陰發陽 諸虛腫滿流濕 又名潤燥通腸

破積通和血氣 痰涎不利胃堂 酒痰食傷同治

泄瀉腹脹膀胱 手足四肢無力 飲食面色痿黃

脾肺骨蒸勞嗽 更兼口舌生瘡 打撲內傷閃墜

驢踢馬咬蛇傷 興販往來客旅 不服水土他鄉

傷寒之證同治 調理便宜此方

木香 商枳殼 青皮 陳皮

麩炒
去穢

去白

去穢

檳榔 廣茂 黃連

煨燒
切

各一
兩

黃蘗皮

去粗
皮

香附子

揀
炒

大黃

剉碎各
三兩

黑牽牛

生薑半斤取
頭末四兩

右為細末滴水為丸如豌豆大每服三十九或五十丸加至六十九以利為度食後生薑湯送下如不利加丸數常服疏氣消食通潤大便大腸一方無牽牛

沈香降氣散

醫方集成

治三焦痞滯氣不宣暢心腹疼痛

嘔逆痰沫脇肋噎脹噫氣不通噦逆醋臭胃中虛冷腸鳴絞痛宿食不消除反胃吐食不止及五膈噎心胃滿悶全不思食

沈香 木香 丁香 人參

去蘆

藿香葉

甘草

炮

白朮

各一兩

桂花

肉豆蔻

縮砂仁

陳橘皮

去白

白茯苓

去皮

檳榔

白豆蔻

青皮

去白各半兩

白檀

川薑

炮

枳實

炒各二兩

右為末每服二錢入鹽少許水一大盞同煎至七分和滓溫服不拘時候日進三服

茯苓丸

一名枳殼丸

治中焦氣澁胃膈痞悶飲食遲化四

肢困倦嘔逆惡心常服升降陰陽消化滯氣祛痰逐

飲進美飲食

御藥院方

白茯苓

去皮一兩

半夏

湯浸去滑七次

木香

各一兩半

荆三稜

蓬莪朮

各六兩半

青皮

陳皮

白朮

各三兩

檳榔

二兩半

枳殼

麩炒去穢二兩

牽牛

頭末四兩

右為細末生薑汁麩糊為丸不拘多少食後生薑湯

下一方如梧子大每服三十九

沈蘇飲子

御藥院方

治胃膈塞滯氣不通宣津液闕少

沈香

甘草

炮黃色

白檀香

各二兩

赤茯苓

肉桂

去粗皮
各一兩

紫蘇葉

人參 各半兩

乾木瓜

生栗黃

各二兩

右為末每服一錢水一大盞煎至三沸湯和滓涼服

小分氣丸

御藥院方

消滯氣和胃膈止心疼化酒食治結

毒腹脇脹滿

荆三稜

醋浸一宿切作
片子焙乾用

牽牛

微炒

大戟

細剉炒
各三兩

羌花

醋炒

甘遂

搗碎炒黃
色各二兩

官桂

去皮
一兩

右同杵為末以醋煮麴和丸如菽豆大每服十九煎

陳橘皮湯送下不嚼破如癥瘕腹脹氣滯腰疼行動艱難漸加丸數日進三服以瘥為度

降氣檳榔丸

御藥院方

治調順三焦升降陰陽進美飲食

潤腹去滓

檳榔

二兩

杏仁

一兩湯浸去皮尖麩炒

右為細末煉蜜和丸如梧桐子大每服五丸生薑湯

下

沈香華澄茄丸

御藥院方

治下經不足內挾積冷臍腹弦

急痛引腰背面色痿黃手足厥冷脇肋虛滿精神困倦臟腑自利小便滑數如廣隔小腸一切氣痛氣隔不通尤宜服之

沈香 華澄茄 木香 葫蘆巴炒 巴戟去心

舶上茴香 破故紙並炒 官桂去粗皮 附子炮去皮焙

桃仁去皮尖麤炒各二兩 川烏頭去皮半兩 川練子炮捶碎去核用肉四兩

右為細末酒煮麪糊為丸如梧桐子大每服三四十丸溫酒下鹽湯亦可空心食前服一方作散每服二

錢水一大盞入鹽少許煎至八分去滓服

丁沈煎丸

木香

丁香

甘松

沈香

各三兩

藿香

檀香

各半兩

香附

砂仁

白豆蔻

各半兩

丁皮

陳皮

各半兩

薄荷

少許

腦子

少許

蓬朮

三錢

右為細末熬甘草膏丸不拘丸數

木香神麴丸

治男子婦人氣塊攻痛

木香

半兩

神麴

三兩

厚朴

一兩

麥蘗

二兩

乾薑

一兩

陳皮

一兩

肉豆蔻

一兩

荊三稜

一兩

舶上茴香

右為細末炒薑湯調下每服二錢空心卧睡各一服

忌生冷

沈香透膈湯

治男子婦人五種氣滯胸膈閉滿心腹

疼痛翻胃吐食兩脇膨脹噎膈不通飲食減少多困

少力

丁香

半兩

木香

沈香

白豆蔻

砂仁

各半兩

藿香葉

白茯苓

青皮

去白

厚朴

薑製

半夏

薑製

甘草

炙各半兩

肉豆蔻

煨麪

神麴

炒

麥蘖

炒

人參

肉桂

草蓂

各半兩

檳榔

一枚

陳皮

去白一兩

右咬咀每服三錢水一大盞半薑三片棗一枚煎至七分去滓食前溫服

沈香降氣丸

沈香

錢五

木香

兩一

三稜

兩四

片薑黃

兩四

莪朮

兩四

青皮

兩四

陳皮

兩四

丁香

兩二

丁皮

錢五

草蓂

兩二

燈心

兩二

右為細末酒糊丸如梧子大每服五十丸食後薑湯送下

沈香化氣丸

治男子婦人脾胃不和停滯不化胃膈

飽悶嘔吐惡心腹脇膨脹臟腑閉塞氣喘急睡不安一切氣症

人參

沈香

木香

各半兩

砂仁

檳榔

各七錢

乾山藥

一兩

石菖蒲

莪朮

三稜

三錢半

陳皮

去白

青皮

去白各一兩七錢半

附子

一斤四兩臨時炒另研

官桂

一兩半

蘿蔔子

六兩微炒

黑牽牛

一斤半取末用五十兩

右為末和勻淡米醋糊丸如梧子大曬乾用米醋蓋面再晒乾每服三十丸或五十丸臨卧薑湯茶下日間莫服若膀胱疝氣攻心鹽湯下要便利快加丸數此藥溫平不損元氣消積聚化宿氣疎風和胃消酒寬中破塊魔癖孕婦莫服

破氣丸

鮑氏方

治氣積塊久近一切氣

硫黃

焰硝

各四兩炒成子

陳皮

青皮

同上不去根

右為末糊為丸空心飲下三十丸

丁沈香丸

鮑氏方

治諸氣攻心腹痛及治婦人氣妙

丁香 沈香 木香 青皮 肉豆蔻

胡椒 華撥 檳榔

一分

乳香

半兩

射香

一錢

右為細末研勻醋糊為丸如粟硃砂為衣美酒下十五丸心疼醋湯下氣血痛燒綿灰酒下十五丸

通氣阿魏丸

華蛇中藏經方

阿魏

二兩酒熬

沈香

一兩

桂

半兩

黑牽牛

一兩炒

硃砂

少許

巴豆

半兩

右先將阿魏熬成膏次入前藥為丸如櫻桃大朱砂為衣一九酒化下

沈香利膈丸

沈香

五錢

木香

五錢

牙皂

火燒去皮弦去

陳皮

二兩

青皮

二兩

莪朮

二兩

牽牛

炒頭末一兩

麥牙

一兩

大黃

一兩半

華澄茄

五錢

神麴

一兩

右為細末醋糊丸如梧子大每服五十九空心陳皮

湯下

五香散

醫字切問

治男子婦人一切氣心腹滿痛牽引腰

背

香附子

烏藥

陳皮

各一兩

羌活

二錢

莪朮

半兩

右為細末熱酒調空心服二錢

神仙楮實丸

宣明論

治積冷氣衝心胃及背有蛇蟲疼

痛痔瘻疰癖氣塊心腹兩脇脹滿氣急食不消化上逆氣奔於心并疝氣下墜飲食不得吐水嘔逆上氣

咳嗽眼花少力心虛健忘冷風偏風等疾坐則思睡
起則頭眩男子冷氣腰疼膝痛冷脾風頑陰汗盜汗
夜多小便洩利陽道衰弱婦人月水不通小腹冷痛
赤白帶下一切冷疾無問大小能明目益力輕身補
髓精

楮子實

一升淘去
泥微炒

官桂

四兩
去皮

牛膝

半斤酒
浸三日

乾薑

二兩

右為末酒糊為丸如梧桐子大每服五十丸空心陳

皮湯下

導氣枳殼丸

宣明論

治氣結不散心胃痞痛逆氣上攻

常服分氣逐風功不可述

枳殼

去稃
炒

木通

剉
炒

青皮

去
白

陳皮

去
白

桑白木

剉
炒

蘿蔔子

微
炒

蓬朮

三稜

煨

茴香

炒

白牽牛

炒

黑牽牛

炒各
等分

右為末生薑汁打糊丸如梧子大每服二三十丸煎

橘皮湯下

補中丸

出宣
明論

治一切氣疾心腹疔嘔吐氣逆不思飲

食

厚朴

生薑
製香

乾薑

炮

陳皮

白茯苓

去皮

甘草

炙紫各
等分

右為末煉和丸如櫻桃大每服一九空心白湯下細

末嚼亦得

華澄茄丸

出宣
明論

治中焦痞塞氣逆上攻心腹疼痛吐

逆不利不思飲食

萆澄茄

阿魏

各半兩醋
麩裏燒熱

良薑

二兩

神麴

炒

青皮

去白

官桂

去皮各
一兩

右為末醋糊丸如梧子大每服二十九生薑湯下不

計時

蛤蚧散

出宣
明論

治肺胃氣攻心刺痛

蛤蚧

一對
稍炙

乳香

木香

白茯苓

丁香

茴香

各一
兩

川山甲

二錢

右為末每服一錢好溫酒調下空心食前服之

道氣丸

出宣明論

治心胃滿悶脇肋刺痛不思飲食常服

寬膈進食

薑黃

香附子

各四兩

縮砂

甘草

各二兩

丁香

甘松

木香

三稜

白檀

藿香

右為末入菡豆粉二兩湯釋蒸餅為丸如梧子大每服三二十九細嚼白湯下食後日進三服

調和諸氣治心腹切痛

出海名方

香附子

一兩炒去毛

縮砂仁

一分

右件為末煉蜜為丸如彈子大每服一粒細嚼薑湯下不拘時服

導氣丸

醫方集成

宣壅導氣除脹滿利大腸

大黃

四兩濕
布裏煨

胡椒

四十
九粒

青皮

去
白

陳皮

去
白

蝎梢

去毒
炒

茴香

炒

乾薑

炮

甘草

炙各
一兩

黑牽牛

取頭末
二兩

阿魏

半錢用稀麩和
作餅子煎黃色

右為末蒸木瓜湯搜勻為丸如棗豆大每服二十九溫鹽湯下不拘時候量虛實加減服

消脹九

醫方集成

快氣寬中除腹脹消宿食

木香

黑牽牛

取頭末二兩

蘿蔔子

各等分

檳榔

右為末滴水丸如梧子大每服三十九煎生薑蘿蔔

湯食後下

通氣九

醫方集成

治氣滯胃脇噎塞滿閉并小腸氣痛

丁香皮

黑牽牛

各五兩

益智仁

白朮

各一兩

茴香

蘿蔔子

京三稜

炮

蓬莪朮

炮

陳皮

縮砂仁

枳殼

去白麪炒各二兩

右為末麩糊丸如梧子大每服三十丸蘿蔔湯下食
後服

分心氣飲

出如
宜方

治男子婦人一切氣不和或因憂愁

思慮或因酒食過傷或臨食憂煩或事不遂意以此
不足留滯不散停於胃膈不能流暢致使心胃痞悶脇
肋脹滿噎塞不通噫氣吞酸嘔噦惡心頭目昏眩四
肢倦怠面色痿黃苦口乾舌飲食減少日漸羸瘦或
腸虛秘並皆療之常服升降陰陽調順三焦消化滯

氣進美飲食治氣之劑率多溫熱此方獨清涼疎快

紫蘇

莖葉俱
四兩

羌活

半夏

湯浸
七日

肉桂

去
皮

青皮

去
白

陳皮

去
白

大腹皮

桑白皮

木通

去
節

芍藥

甘草

赤茯苓

各一
兩

右㕮咀每服三錢水一盞生薑三片棗二枚燈心十

莖煎取七分去滓溫服一方治男子婦人脾胃不和

胃膈痞塞腹脇疼痛氣促喘滿心下膨脹飲食不思

嘔吐不止用五味子去梗炒茯苓去皮甘草炙陳皮

洗淨桑白皮炒草果仁煨大腹皮各三兩紫蘇揀嫩枝葉二兩為粗末拌和每服四錢水一大盞薑三片許煎至七分去滓空心服名分氣紫蘇飲一方治氣滯留四肢浮腫腹急中滿脇脇膨脹急虛氣上衝小便臭濁神思不爽用木香赤茯苓一兩木猪苓去皮三分澤瀉半夏湯洗七次汁浸三宿炒枳殼去穰麩炒紫蘇子炒檳榔炒半兩為末每服三錢水一盞半燈心五寸長二十莖煎至八分去滓入麝香少許和

藥食前服名木香分氣湯又名小流氣散飲

降氣湯

醫方集成

治虛陽上攻氣不升降上盛下虛膈壅

痰實喘滿咽乾不利煩渴多飲頭目昏眩腰脚四肢無力倦怠咳嗽兼治風濕脚氣

前胡

甘浸炒

甘草

炙

橘皮

去白

桂心

去粗皮

真紫蘇

水淘去浮

川當歸

去蘆土炒

厚朴

去粗皮生薑浸炙

齊州半夏

湯浸七次洗薑汁浸

五加皮

薑汁塗炙

黃耆

各一兩

人參

去蘆

附子

炮去皮洗

桔梗

去蘆

羌活

乾薑

炮各半兩

右咬咀每服四錢水一盞半蘇三葉薑三片棗二枚
煎七分去滓食後溫服之一方治肺滿肺浮不能升
降時時喘促兼治風冷痰嗽用紫蘇子隔紙銚內微
炒前胡去蘆頭厚朴薑汁浸炒甘草炙黃陳皮去白
當歸洗淨半夏麴桂心不火黃耆生剉焙五加皮薑
汁浸炙各一兩沈香一錢半不見火阿膠半兩黃林
米炒為散每服二錢水一盞入蘇三葉薑三片棗二
枚煎六分去滓食後服名加減降氣湯一方無橘皮

消氣湯

醫方集成

治血氣凝滯而心脾不和虛氣上盛腹

急中滿四肢浮腫飲食無味氣不升降小便臭濁胃

隔痞悶

沉香

木香

人參

半夏

湯洗七次

桔梗

炒各半兩

陳皮

去白一兩

青皮

去穢炒半兩

木通

白茯苓

去皮

草薢仁

炒

大腹皮

洗焙

紫蘇

連梗用各三兩

右為末每服三錢水一盞薑四片棗二枚煎七分去

滓空心食前溫服

歸氣散

出簡易方

治真氣不降胃膈痞滿心腹臍脇疼痛

不進飲食歸元正氣補脾胃

沈香

木香

丁香

白薑

炮

肉桂

去皮不火

陳皮

去白

當歸

甘草

炙

附子

二斤六錢去脾臍

縮砂仁

舶上茴香

炒

益智仁

炒

葫蘆巴

炒

川練子肉

炒

白朮

豆蔻肉

麩裏去麩用各用一兩

右為細末每服三錢水一盞紫蘇三葉木瓜四片鹽少許煎至八分食前溫服

神保丸

出如
宜方

治諸氣刺痛流入背脊及心膈腹腎諸

積氣作痛宣通臟腑

木香

胡椒

各一分

全蝎

七枚


巴豆

十箇去皮
心研取霜

右為細末湯釋蒸餅丸麻子大硃砂為衣每服五粒心膈痛肺蒂澄心湯下腹痛肺蒂煨薑湯下血痛炒醋湯下肺氣甚者白礬輕粉各三分黃丹一分同研

為未煎桑皮糯米飲送下三錢小喘桑白皮糯米飲
下腎氣脇下痛茴香湯下大便不通蜜調湯檳榔末
一錢下氣噎木香湯下宿食不消茶酒漿飲任下諸
氣膀胱氣脇下痛最難治獨此藥能去之有人病項
筋痛諸醫皆以為風治之數月不愈乃流入背脊久
之又注於脇下攣痛甚苦乃合治之一服而愈嘗再
發又服病除一方用胡椒一兩蝎尾半兩去毒細末
麪糊丸如粟米大每服七五丸至二十九陳米飲下

名塌氣丸中加木香一味和順臟氣消腹脇堅脹小
便不利并治風積名胡椒丸



普濟方卷一百八十一